



十五

卷二

冕服
衮冕

冕服

十二章之服

大裘而冕

書曰天命有德五服五章哉又曰予欲觀古人之象日

月星辰山龍華蟲作會宗彝藻火粉米黼黻絺繡以五

色作服汝明孔氏曰日月星為三辰宗廟彝尊亦以山龍華蟲為飾火為火字粉若粟米米若聚

典命上公兩已相背命其衣服以九為節侯伯七命其衣服以七

為節兩已相背命其衣服以五為節王之三公八命其卿

命及其出封皆加一等其衣服亦如之

命其大夫士

命其大夫士

命其大夫士

書名 禮書一百五十卷 宋刊元修

本宋陳祥道撰
卷二十五
經禮三禮總義
宋
貴重
A259500

東洋文化研究所漢籍目錄 編號: A259500

東洋文化研究所漢籍目錄所藏漢籍善本文影像資料庫 索書號: 貴重-8

漢籍善本文影像資料庫 禮書一百五十卷 宋刊元修本

版權所有: 東京大學 東洋文化研究所
使用上的注意事項

彩色首頁1

內容分類
索書號
編號

撰者
卷

其德行道藝而興賢者能者三歲大比則興旺明其有功者厲其地治者則賢能不待歲而後明功事必待歲而後見凡此鄉遂之辨也然遂之相保相調相葬相宿不異於鄉鄉之相受相糾不異於遂鄉之田法同於遂遂之軍法同於鄉先王之於家也既以五家為比為隣積而上之至於方二千五百家為鄉為遂其於人也既以五人為伍為兩積而上之至於方二千五百人為軍而又十家為聯以聯其居十人為聯以聯其事鄉則聯之以八里如此則居作相友戰守相衛有同心而無離德也管仲相齊使居則五家為軌十軌為里十里為連十連為鄉出則五人為伍十伍為戎十戎為卒十卒為旅蓋放先王之遺制然也

禮書卷第二十四

禮書卷第二十五

都鄙之制 都鄙三等之別 夏商采地之制

鄉遂中下之別 都鄙上中下地之別

都鄙之制

太宰以八則治都鄙 都之所居曰鄙 都鄙公卿大夫之采邑 王子弟所食邑 周召毛卨畢

賦六曰邦都之賦 家削三百里 邦都五百里 邦縣四百里 以九兩繫邦國

之民二曰長以貴得民六曰主以利得民 鄭司農曰主謂公卿大夫

世世食采不絕民抗薄利之立謂利之正月之吉始和布治如上帝思利民之利謂以政教利之 于邦國都鄙乃施則于都鄙而建其長立其兩設其伍

宰夫掌治法以攷百官府群都縣鄙之治乘其財用之

出入 群都謂采邑也 司會掌邦之六典八法八則之貳以逆邦

國都鄙官府之治司裘王大射則共虎侯熊侯豹侯諸

國都鄙官府之治司裘王大射則共虎侯熊侯豹侯諸

侯則共熊侯豹侯大夫則共麋侯諸侯謂二公及王子第封於畿內者卿大夫亦皆有采地焉其將祀其先祖與群臣射以擇之大司徒辨其邦國都鄙之數

制其畿疆而溝樹之設其社稷之壇而樹之田主凡造

都鄙制其地域而封溝之以其室數制之不易之地家

百晦都鄙王子弟公卿大夫采地其界曰都鄙所居也王制曰天子之縣內方百里之國九七十之國二十

有一五十里之國六十有三易之地家二百晦再易

之地家三百晦小司徒乃經土地而井牧其田野九夫

為井四井為邑四邑為丘四丘為甸四甸為縣四縣為

都以任地事此謂造都鄙也來地制井田異於鄉遂重立國小司徒為經之立其五溝五涂之界

都者采地食者皆四之一其制三等百里之國凡四都

一都之田統入於王五里之國凡四甸一甸之田統

入於王二十五里之國凡四甸一甸之田統入於王

封人凡封國設其社稷之壇封其四疆造都邑之封域

亦如之載師以家邑之田任稍地以小都之田任縣地

以大都之田任置地縣師掌邦國都鄙稍甸郊里之地

域遺人以縣都之委積以待凶荒掌節守邦國者用三

節守都鄙者用角節大宗伯乃頒祀于邦國都家鄉邑

與命王之三公八命其卿六命其大夫四命及其出封

皆加一等其國家宮室車旗衣服禮儀亦如之太祝頒

祭號于邦國都鄙都宗人都謂王子弟所食邑掌都祭祀

之禮凡都祭祀致福于國家宗人家謂大夫所食采邑掌家祭祀

之禮凡祭祀致福量人營國城郭營后宮量市朝道巷

門渠造都邑亦如之掌固凡國都之境有溝樹之固郊

亦如之方士掌都家聽其獄訟之辭小行人達天下之

六節都鄙用管節以竹為之朝大夫掌都家之國治




之九都家之治於國者必因其朝大夫然後聽之惟大
事弗因九都家之治有不及者則誅其朝大夫在軍旅
則誅其有司 匠人王宮門阿之制五雉宮隅之制七
雉城隅之制九雉經涂九軌環涂七軌野涂五軌門阿
之制以為都城之制宮隅之制以為諸侯之城制環涂
以為諸侯經涂野涂以為都經涂王制曰天子之三公
田視公侯天子之卿視伯天子之大夫視子男天子
之士視附庸天子之縣內百里之國九七十里之
國一五十里之國六十有三九九十三國名山
水澤以視其餘以祿士以為間田天子之縣內諸侯
大夫不世爵使以德爵以功諸侯為天子大夫諸侯之大夫不世爵祿禮運曰天子

有田以處其子孫諸侯有國以處其子孫大夫有采以
處其子孫 孟子曰天子之卿受地視侯大夫受地視
伯元士受地視子男

先王之建都鄙以處子弟公卿大夫者百里其次
七十里其下五十里而其外有封疆溝樹之固其內
有城郭市朝社稷宗廟之別使之朝夕泣事王朝而
退食於家其家不出王城而都鄙乃在三百里以至
五百里之內此猶民之廛里在國而授田在鄉也鄭
武公為周司徒其詩曰適子之館兮還子授子之粢
兮鄭氏謂還在采邑之都然列職於朝常往返乎數
百里之遠則是在途之日多而在朝之日鮮也鄭氏
之說其果然乎采邑謂之都鄙者都以其有邑都也
鄙以其在國之鄙也臣之於君猶月之於日月近日

則其明缺遠日則其明全臣近君則其勢屈遠君則其勢伸故外諸侯世內諸侯則祿而已外諸侯曰君內諸侯則曰長曰主而已其城制不以宮隅而以門阿其經涂不以環涂而以野涂其鄉不設三而立兩其射侯不射三而射二其守節不以玉而以角其達節不以金而以竹則其邑謂之都鄙宜矣然有社稷臣民其實國也故亦曰縣內之國與內諸侯

都鄙之制



書曰列爵惟五分土惟三畿內之臣其列爵與諸侯異其受地與諸侯同故孟子曰天子之卿受地視侯大夫受地視伯元士受地視子男然周禮上公九命侯伯七命子男五命王之三公八命卿六命其大夫四命而士不言命蓋上士三命中士再命下士一命也以六命之卿其地視九命之公以四命之大夫其地視七命之伯以三命之元士其地視五命之子男蓋在內者卑其命而祿必視其外則名有所屈而實有所養在外者崇命而祿大異乎內則名有所伸而實有所守也載師士田任近郊之地家邑之田任稍地小都之田任縣地大都之田任置地此所謂視侯伯子男者也士之受田寡矣而近地為可容改任之於近郊公卿大夫之田多矣非遠地不

可放任之於縣置此周采地之別也鄭氏釋大司徒以王制縣內之數為夏之采地周則未聞釋小司徒又曰采地百里之國凡四都五十里之國凡四縣二十五里九四甸孔穎達謂家邑采地各二十五里在百里內小都各受五十里在四百里內大都各受百里既曰周之采地未聞又曰采地二十五里之國凡四甸其言不特異於孟子又自戾也

夏商采地之制

一制曰天子之田方千里公侯方百里百七十里子男五十里不能五十里者不合於天子附於諸侯曰附庸天子三公之田視公侯天子之卿視伯天子之大夫視子男天子之元士視附庸又曰天子之縣內方百里之國九七十里之國二十有一五千里之國六十有三九百九十三國各山大澤不以盼其餘以程

士以為閭田天子之元士不與又曰天子之縣內方百里者為方百里者百封方百里者九其餘方百里者九十一又封方七十里者二十一為方百里者十方十里者二十九其餘方百里者八十方十里者七十一又封方五十里者六十二為方百里者十五方十里者七十五其餘方百里者六十四方十里者九十六鄭氏曰畿內大國九者三公之田三為有致仕者副之為六也其餘三待封王之子弟次國二十一者卿之田六亦為有致仕者副之為十二又三為三孤之田其餘六亦待封王之子弟小國六十三大夫之田二十七亦為有致仕者副之為五十四其餘九亦以待封王之子弟三孤之田不副者以其無職佐公論道耳雖其致仕猶可即而謀焉然則王制言王

臣采邑之所視與孟子之說不同其為夏商之法固
 可知矣鄭氏以王制前所言為商制後所言為夏制
 不可考也周禮載師宅田任近郊之地家邑小都大
 都之田乃在三百里至五百里之地以近而狹者祿
 致仕之臣遠而廣者祿公卿大夫及子弟則是致仕
 之臣其祿少公卿大夫及子弟其祿多也鄭氏謂三
 等采邑皆有致仕之田與公卿大夫子弟地相符恐
 先王之法下然

鄉遂都鄙三等之地


上地



中地



下地



西
 東
 圖
 書

大司徒凡造都鄙不易之地家百畝一易之地家二百畝再易之地家三百畝小司徒均六鄉之土地上地家七人中地家六人下地家五人遂人辨野之土地上地夫一廛田百畝萊五十畝餘夫亦如之中地夫一廛田百畝萊二百畝餘夫亦如之犬司馬九令賦以地與民制之上地食者三之中地食者半下地食者三之一禮記王制上農夫食九人其次食八人

其次食七人其次食六人下農夫食五人庶人在官者其祿以是為差孟子曰上農夫食九人上次食八人中食七人中次食六人下食五人爾雅曰田一歲曰菑二歲曰新田三歲曰畲班固曰歲耕種者為不易上田休一歲者為一易中田休二歲者為再

易下田士工商家受田五口乃當農夫一人此平土可以為法者也若山林藪澤原陵溇鹵之地各聽磽多少為差然則周禮於都鄙言易不易者地事也於鄉所食者地利也於遂言田萊者地力也都鄙以政為主故以地事言之鄉以人為主故以地利言之遂以地為主故以地力言之司馬之令賦則欲知其地之厚薄食之多寡故亦以地利言之其實一也惟遂人上地有萊五十畝為異於鄉與都鄙以鄉之地狹於遂而都鄙之地又輕於遂故也然周禮上地家七人而王制孟子則上食九人其次八人中地家六人而王制孟子則中食七人其次六人下地家五人而王制孟子下食亦五人者蓋先王之於民養之欲其富保之欲其廢故家七人者必授以九人之上

地家六人者必授以七人之中地下地則以地籍人
 而已允欲下地之民生齒之蕃以及中上者而後
 此富而庶之術也小司徒井牧其田野春秋之時楚
 為掩書土田之事井衍沃牧隰臯大率二牧而當一
 井則三家受六夫之地与不易一易再易之法同也
 漢趙過教民治田一晦三訓歲易其處謂之代田与
 一易再易之意同也觀禹貢之田上上以至下下凡
 九等為撥別楚地自土田以至衍沃亦九等書土田
 九等為撥別楚地自土田以至衍沃亦九等書土田
 中下地三等而已蓋總其大致然也鄭氏謂自二人
 以至於十為九等七六五者為其中如此則是二人
 三人四人下地之三等也五人六人七人中地之三
 等也八人九人十人上地之三等也孟子王制舉上
 中地而不及下周禮舉中地而不及上下然周禮言
 上也下地下地而孟子王制或言上或言下
 中下是九等之地在其中矣孰謂各舉其偏哉
 三等二田萊大司馬三等之軍賦其言上中下地与
 司徒三等之地同

禮記卷之二十五